

X PREMIO “PEDRO LAFUENTE” en aragonés, edición 2026

Pedro LAFUENTE PARDINA naxió en HUESCA en 1929. Gran conoxedor de l'alma d'os suyos paisanos e d'as chens d'o Semontano —grazias á o suyo tradicional ofizio de *botero*—, encomenzó á colaborar en a emisora de Radio Huesca en 1964 en don, á trabiés de más de 750 charradas, popularizó numbrosos presonaches reyls e fictizios, tratatos perén con muito respeto e amorosidá. Escritor costumbrista, replegó as tradizions e a taza de charrar d'a Plana de Uesca e o Semontano oszense en *Cuentos y Romances del Alto Aragón* (1971), *El Altoaragón de tejas abajo* (1989) e *Al calor de la cadiera* (1996), intresantismos títulos dende o punto de bista etnolochico e lingüístico. En 1994 fundó l'asoziazión d'a prensa esportiba de Uesca, d'a que estió presidén. Fenexió en a capital altoaragonesa en l'añada 2000. Por tot ixo, e con o firme deseyo de reibindicar e reconoxer o treballo d'iste polifazetico autor, rechirador e espardidor d'as tradizions populares de l'Alto Aragón, asinas como espezialista d'a istoria ofiziosa de Uesca, a Conzellalía de Cultura do Conzello de Uesca comboca, en rechimen de concurrenzia competitiba, o **X Premio PEDRO LAFUENTE en aragonés**.

CLAMAMIENTO D'O PREMIO

1º. Bi abrá cuatre categorías:

a) Premio de “Narración Curta”. Se presentará una copia de cada obra, en fuello DIN-A4, á una sola cara e á dople espazio. A estensión d'as obras de “Narración Curta” será de entre 6.000 e 9.000 parolas.

b) Premio de “Poesía”. Se presentará una copia de cada obra, en fuello DIN-A4, á una sola cara e á dople espazio. A estensión d'as obras de “Poesía” será no pas inferior á 100 bersos ni tampoco no superior á 300, podrá estar en un solo poema u en un conchunto d'els.

c) Premio “Zagals”, ta ra millor obra en luenga aragonesa, oral u escrita, reyalizata por ninas e ninos entre as 3 e as 12 añadas (Educación Infantil e Primaria), siga en o soporte que siga —paper, dichital u audiobisual—, encara que se balurará positibamén o empleo d'as nuevas teunolochías. O treballo podrá estar indibidual u coleutibo. Cuan se i presiente en soporte paper se ferá en fuello DIN-A4, á una sola cara e a dople espazio. A estensión será de un masimo de 2 fuellos.

d) Premio “Interpresa”. As diferens almenistrazions publicas e os suyos organismos e interpresas dependiens, asinas como as distintas entidaz promotoras e difusoras d'a luenga aragonesa, propositarán candidatos á iste premio entre ixas interpresas d'a probinzia de Uesca que consideren que en o periodo de l'añada 2025 han faborexito a difusión e a esfensa d'a luenga aragonesa.

2º. Os treballos d'as tres primeras categorías abrán d'estar en aragonés, en cualsiquiera d'as suyas modalidades, e abrán d'estar ineditos.

Os partizipans deberán cumplir toz os requisitos desichitos en o presén clamamiento e que no sigan incursos en beluna d'as causas establitas en l'artículo 13 d'a Lei 38/2003, Cheneral de Subenzions e que achunten os requisitos recullitos en l'artículo 3 d'as Ordinazions Chenerals de Subenzions.

3º. Os treballos se i presentarán en sobre zarrato, que deberá lebar como títol “X Premio PEDRO LAFUENTE en aragonés”. En o suyo interior s'incluirán dos carpetas zarratas, A e B, que deberán endicar títol, lema e a categoría ta ra que optan sin reflexar en a parti de difuera garra señal identificatibo de l'autoría ta guarenziar asinas a trasparenzia e l'anonimato d'o premio.

O sobre A, “Treballo presentato á concurso”, incluyirá o treballo presentato, sin denguna referencia á ra suya autoría, e o sobre B, “Identidá”, recullirá os datos presonals d'o suyo autor/autora: nombre e os dos apellitos, l'adreza postal, o telefono, l'adreza de correu-e, puesto de naximiento e os datos biograficos que se chuzguen oportunos.

No i podrán partizipar qui no se troben á o corrién d'as suyas obligazions trebutarias, con a Seguranza Sozial, por reintegro de subenzions, asinas como qui sigan incursos en beluna d'as proibizions ta rezibir subenzions estipulatas en l'artículo 13 d'a Lei Cheneral de Subenzions. Os/as intresatos/as podrán acreditar, por meyo de documento chustificatibo espediato por l'almenistrazión correspondién, en estando á o corrién en ditas obligazions, u bien podrán fer plegar o suyo consentimiento á o Conzello de Uesca ta comprebar ista informazión por meyo d'a cumplimentazión d'un documento que lis se fazilitará á trabiés d'a pachina web d'o Conzello de Uesca u en as instalazions d'o zentro Cultural Manuel Benito Moliner.

Dita documentazión deberá estar achuntata en o sobre B, que s'ubrirá, por presonal almenistratibo, con anterioridá á ra ubredura d'o sobre A.

Á os miembros d'o churato unicamén lis se fazilitará o contenito do sobre A, permanexendo o sobre B baxo a custodia d'o Serbizio de Cultura sin que pueda fer publico garra dato dica que o Churato aiga fallatos os correspondiens premios.

4º. Os treballos se nimbiarán antis d'o día 3 d'abril de 2026. A presentazión podrá efeutuar-se presonalmén, en orario de 8 á 15 e de 17 aa 21 oras, en o zentro cultural Manuel Benito Moliner (antigo Matadero), Plaza Alcalde José Luis Rubió, s/n, 22005 (Uesca). Igualmén s'almitirá o nimbío por correu, á portes bosatos, ta ra mesma adreza, siempre que os orichinals se reziban antis de concluyir o plazo señalato.

Cuan os treballos se nimbien por correu ordinario deberán remitir-se ta l'adreza endicata en o parrafo anterior debendo chustificar-se a calendata e a ora d'a imposición d'o nimbío en a ofizina de correus e nunziar en o mesmo día (antis d'as 14 oras) á l'aria de Cultura a remisión d'o treballo por meyo de correu-e

(admoncultura@huesca.es) en o que se consine o lema d'a obra. Sin a concurrencia d'amos requisitos no será almeso lo treballo á concurso, tampoco no si l'anunzio d'a suya presentación en correus ye rezibito por o responsable d'o zentro cultural cuaternato con posterioridá á ra calendata de conclusión d'o plazo señalato enl'anunzio d'o concurso. Á efeutos de chustificar que o nimbío por correu se fa dentro d'a calendata e a ora señalatas ta l'almisión d'orichinals, s'almitirá como meyo de preba que en eo correu-e se faiga referencia á o lumero d'o zertificato do nimbío feito por correu.

En o caso de que s'opte por mandar os treballos por correu eleutronicu á l'aria de Cultura (admoncultura@huesca.es) se i deberán incluyir dos archibos en o mensache: l'Archibo A e l'Archibo B. L'Archibo A, "Trebalo presentato á concurso", incluyirá o treballo presentato, e l'Archibo B, "Identidá", recullirá os datos presonals d'o suyo autor/autora: nombre e os dos apellidos, l'adreza postal, o telefono, l'adreza de correu-e, puesto de naximiento e os datos biograficos que se chuzguen oportunos. Á cada partizipán li se nimbiará un correu-e confirmando a rezezió de ditos archibos e a correuta bisualizació d'os documentos. Una begata rezibitos, os archibos d'os treballos se lumerarán.

Á os miembros d'o churato unicamén lis se fazilitará o contenito de l'Archibo A, permanexendo l'Archibo B baxo a custodia d'o Serbizio de Cultura sin que pueda fer-se publico garra dato dica que o Churado aiga fallato os correspondiens premios.

Os criterios de baluración de concurso son os siguiens:

- 1. A calidá.** 10 puntos.
- 2. A orichinalidá e innobazió.** 10 puntos.
- 3. Implicazió d'o proyeuto con a ziudá de Uesca** A binclazió d'o proyeuto presentato con a ziudá de Uesca e o suyo arredol (culturalmén, antropolochicamén, istoricamén, bisualmén...). 10 puntos.

En dengún caso se tendrán en cuenta solizituz á ras que, aplicato lo baremo anterior, no alcanzen 15 puntos.

5º. A instruziό d'iste prozedimiento pertocará á o Chefe de Serbizio de Cultura d'o Conzello de Uesca. Ta reyalizar a baluraciό d'as propuestas presentatas se constituyirá un Churato formato por tres miembros, desinatos d'a siguién traza: uno por o Consello d'a Fabla Aragonesa, uno por o Instituto de Estudios Altoragoneses e uno por o Conzello de Uesca d'entre os ganadors/as d'a ediziό anterior. Autuará como Secretario un teunico de l'Aria de Cultura d'o Conzello de Uesca, con boz pero sin de boto. A dezisiό d'o Churato constará en auta, se ferá pública en a pachina web d'o Conzello de Uesca e se notificará á os ganadors en 15 días dende a suya resoluziό. En o prozedimiento, se prescinde d'o tramite d'audenzia, dato que no i feguran atos feitos ni prebas que as aduzitas por os aspirans.

A resolución pertocará á l'Alcaldesa-Presidenta d'o Conzello de Uesca pormeyo d'un Decreto, que meterá fin á ra bía almenistratiba. A resolución deberá notificar-se en o plazo masimo de tres meses dende a publicación d'o clamamiento.

6º. O Churato tendrá a facultá de resolber as dudas u custions que l'aplicación d'ista combocatoria pueda suzcitar, asinas como de determinar, en o suyo caso, a categoría á ra que opta un determinato treballo. Asinasmesmo, podrá dixer desierto lo premio en bella categoría, si considera que a calidá d'as obras i presentatas no arriba ta ra minima nezesaria.

7º. A dotación economica ta ras dos primeras modalidades ("Narrasion Curta" e "Poesia") ye de 500 € e de 300 € a categoría "Zagals. Cuan a obra `premiata siga presentata por un menor o una colla de menors, o importe estará perzibito por a mai, o pai u a presona tutora legal que fegure como responsable d'a partizipación. Cuan a obra premiata se presente por un zentro educatibo, o importe estará perzibito por dito zentro, a trabiés d'a suya representación legal. A categoría "Interpresa" ye reconoxita con un diploma e sin de dotación economica.

A suma total d'istos premios puyará ta ra cantidá de 1.300 € imputable á ra partida 04 32603 48000 "Luenga Aragonesa. Atras trasferenzias".

8º. As obras premiadas en soporte paper podrán estar publicatas por parti do Conzello si asinas lo estima. L'autor/autora d'a obra ganadera atorgará á o Conzello de Uesca ra propiedá d'a mesma. O Conzello de Uesca alquiere a propiedá, e en esclusiba, toz os dreitos de propiedá inteleutual inerens á treballo premiato e d'os distintos elementos que lo conforman, chuntos u por deseparato, asinas como a suya manipoliación ta adecuar-lo á os diferens soportes publizitarios, e podrá libremén prozeder á ra reprodución, distribución, comunicación publica e transformación o tiempo d'o plazo señalato por l'artículo 1º 26 d'o Testo Refundito d'a Lei de Propiedá Inteleutual, tenendo dreito á espresar a obra por cualesquier meyo u soporte tanchible u intanchible, comprendendo todas e cadaguna d'as modalidades d'espleitamiento, incluyindo-se los dreitos de reprodución en cualesquier soporte u formato, asinas como os dreitos de distribución e comunicación publica d'a obra, ta o suyo espleitamiento comercial en tot lo mundo. Queda espresamén incluyita ra emisión e trasmisión *on-line* d'a obra e a suya mesa á desposición á trabiés d'os retes dichitals interautibos. Os concursans se responsabilizan totalmén de que no existen dreitos de terzers en as obras presentatas, asinas como a suya renunzia á toda mena de reclamación por dreitos d'imachen.

9º. A entrega d'os premios se ferá en calendata á determinar, preferiblemén e siempre que siga posible, en a zelebrazión d'a Feria d'o Libro. Os autors ganadors s'embrecan á asistir ta l'auto d'entrega d'os premios. Asinasmesmo, se ferán e/u publicarán fotos d'os ganadors en a web/retes sozials d'o Conzello, ta o que se demandará o consentimiento d'os ganadors.

Os premios s'abonarán por meyo de trasferenzia bancaria, prebia aportación d'a documentación acreditatiba d'o cumplimiento de trobar-se á o corrién d'as obligazions tributarias e con a Seguranza Sozial.

10º. Tratamiento de datos presonals

O Responsable d'o Tratamiento ye o Conzello de Uesca, (d'aquí enta debán, "Conzello"), con NIF: P2217300I, e domicilio en Plaza d'a Seu, 1º1, CP 22002, Uesca, Plaza de la Catedral 1, 22002 Huesca CIF P2217300I tratará os datos presonals fazilitatos con a fin de chestionar a combocatoria, documentación e tramites d'o IX Premio PEDRO LAFUENTE en aragonés reyalizato por o Conzello de Uesca, estando l'alazet que lechitima dito tratamiento a suya partizipación boluntaria en istos premios que amenista o tratamiento d'os suyos datos ta ra suya chestión.

Ditos datos unicamén no serán zeditos á terzers, fueras d'obligación legal u por razón de intrés publico, asinas como publicatos os datos identificatibos de qui resulten ganadors en nombre d'o cumplimiento d'as obligazions legals de transparencia.

Os datos tratatos son os estreitamén nezesarios ta ra correuta consecución d'a fin antis informata.

O Conzello de Uesca alzará os datos presonals o tiempo d'o plazo establito legalmén u entremistante podese seyer-li desichible bel tipo de responsabilidadá.

En cualsiquier caso, o/a intresato/a podrá exerzer os suyos dreitos d'acceso, reutificación, supresión, oposición, limitación, por meyo de demanda escrita remitita ta registro@huesca.es u ta l'adreza postal Plaza d'a Seu, 1º 1, CP 22002, Uesca, achuntando, en tot caso, preba que premita acreditar a suya identidá.

O/a intresato/a podrá meter-se en contauto con o Delegato de Protezión de Datos (DPO) d'o Conzello, en l'adreza de correu eleutornico dpd@huesca.es.

Igualmén, o/a intresato/a podrá presentar una reclamación debán l'Achenzia Española de Protezión de Datos.

11º. A partizipación en iste premio suposa ra plena azeutación d'a presén combocatoria e a conformidá con as dezisions d'o Churato, asíinas como lo fallo do Churato, que será inapelable.

12º. A presén combocatoria ye socheta á ras Ordinazons Chenerals en as que s'apreban as Bases Reguladoras de Conzesión de Subenzions d'o Conzello de Uesca, en a suya Desposición Adizional Primera, publicata en o Boletín Ofizial d'a Probinzia, lum. 239 de 19 d'abiento de 2017 e á o Plan Estratechico de Subenzions d'o Conzello de Uesca 2025-2028.

13º. A presén combocatoria se publicará en o Boletín Ofizial d'a Probinzia de Uesca y en a pachina web d'o Conzello de Uesca.